



Broj: JN06-16-4-147-10/22

Datum: 03.11.2022. godine

Na osnovu člana 64. stav (1) tačka (b) i člana 70. st. (1), (3) i (6) Zakona o javnim nabavkama („Službeni glasnik BiH“, broj 39/14), a na Preporuku Komisije za javne nabavke br. JN06-16-4-147-10/22 od 31.10.2022. godine, u postupku javne nabavke usluga servis UPS sistema, upravnik Zavoda za izvršenje krivičnih sankcija, pritvora i drugih mjera BiH, d o n o s i:

O D L U K U O PRIHVATU PONUDE

Član 1.

Prihvata se Preporuka Komisije za javne nabavke, br. JN06-16-4-147-9/22 od 31.10.2022. godine i Ugovor za javnu nabavku usluga-servis UPS sistema, dodjeljuje se izabranom ponuđaču ENERGOINVEST-SUE D.D SARAJEVO, za ponuđenu cijenu od 35.000,00 KM bez PDV-a (40.950,00 KM sa PDV-om), kao najbolje ocijenjenoj/jedinoj prihvatljivoj ponudi.

Član 2.

(1) Prijedlog Ugovora o nabavci dostavit će se na potpis izabranom ponuđaču po isteku roka od 10 (deset) dana, računajući od dana kada je ponuđač obavješten o izboru najpovoljnije ponude.

Član 3.

Za izvršenje ove Odluke zadužuje se i ovlašćuje Služba za opće pravne, finansijsko-materijalne poslove.

Član 4.

Ova Odluka uputiće se ponuđaču koji je učestvovao u postupku javne nabavke, shodno članu 70. stav (6) Zakona o javnim nabavkama.

Član 5.

Ova Odluka stupa na snagu danom donošenja i dostavlja se ponuđaču koji je učestvovao u postupku javne nabavke, shodno članu 71. stav (2) Zakona o javnim nabavkama.

O B R A Z L O Ž E N J E

Postupak javne nabavke pokrenut je Odlukom o pokretanju postupka javne nabavke br. JN06-16-4-147/22 od 11.10.2022. godine.

Javna nabavka je provedena putem Konkurentskog zahtjeva.

Procijenjena vrijednost javne nabavke bez PDV-a iznosi 35.000,00KM.

Tenderska dokumentacija i Obavještenje o nabavci br. 24650-7-2-184-3-83/20 su objavljeni 12.10.2022. godine na Portalu javnih nabavki.

Komisija za javne nabavke imenovana je Odlukom o imenovanju Komisije za javne nabavke br. 01-16-4-83/22 od dana 12.01.2022. godine.

Komisija za javne nabavke je dana 31.10.2022. godine, dostavila Zapisnik o pregledu i ocjeni ponuda, br. JN06-16-4-147-8/22 i Preporuku o izboru najpovoljnijeg ponuđača, br. JN06-16-4-147-9/22 u predmetnom postupku.

U postupku po izvještaju o radu je utvrđeno da je Komisija za javne nabavke blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće Zapisnike, u kojima je utvrđeno sljedeće:

- da je ukupan broj pristiglih ponuda 2 (dvije),
- da su blagovremeno zaprimljene 2 (dvije) ponuda,
- da nije bilo neblagovremeno zaprimljenih ponuda,
- da je ponuda ponuđača ENERGOINVEST-SUE D.D.SARAJEVO, prihvatljiva, i
- ponuda ponuđača Middle Point Electronics doo Sarajevo odbačena .

Ponuda ponuđača Middle Point Electronics doo Sarajevo je odbačena u skladu sa članom 68. stav (4). tačka j) Zakona o javnim nabavkama („Službeni glasnik BiH broj 39/14) i članom 9. i 10. Upustva o uslovima i načinima objavljivanja obavještenja i dostavljanja izvještaja u postupcima javnih nabavki u informacionom sistemu „e nabavke“ („Službeni glasnik BiH „ broj 90/14 i 53/15), zato što ponuđač nije preuzeo tendersku dokumentaciju sa portala „ e nabavke“ kao i iz razloga što je tačkom 33.1 tenderske dokumentacije definisano da se tenderska dokumentacija može preuzeti isključivo sa portala javnih nabavki.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, shodno kriterijima iz Tenderske dokumentacije.

U postupku ocjene provedenog postupka, Upravnik Zavoda za izvršenje krivičnih sankcija, pritvora i drugih mjera BiH, nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač je izabran primjenjujući kriterij „najniža cijena“.

Iz navedenih razloga, primjenom člana 64. stava (1) tačka (b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU

Protiv ove Odluke može se izjaviti žalba Ugovornom organu, najkasnije u roku od 5 (pet) dana od dana prijema ove Odluke, lično ili preporučenom poštom.

Način izjavljivanja žalbe i sadržaj žalbe su definisani članovima 99. i 105. Zakona o javnim nabavkama („Službeni glasnik BiH“, broj 39/14).

Dostaviti:

1. Komisija za javne nabavke,
2. ENERGOINVEST-SUE D.D. SARAJEVO,
3. Middle Point Electronics doo Sarajevo, i u
4. U spis.



Upravnik

Siniša Perković